


**Pura  
Wina  
Hilp Ka.**



## **Pura Wina Hilp Ka.**

**“PURA WINA HILP KA” sika ulbanka burska nani bak sakan, ta bila nani Dawan Bila piska manis wina Sakan ba. Yang lukisna smalkanka kau painkira ulbanka ra taki ba Dawan Bila Wauhkataya ra sa.**

**Gad Bila ba “Pura Wina” bali sa, bara kasak hilp pali sa baha Kupia, pin dauki bara diran dauki ba kasak ka laka dukiara. Upla kum ai kupia ulakisa bara ai saurka nani sut dahra sakisa. Dawan Jisas Kraist ra swin ai kupia bilara iwisa, bara ai kupia aiska ni Dawan Jisas Kraist ba ai Suaki Sasakrika kulkisa. Bara Dawan ba Witin ra ai tanka param mariki sa bara witin ai lilia ka, bara ai laman ka laka ba lalukra nani kupia ra yan aibanghwi sa. Yang ra naha daukanka nani sat ka ai takan 1937 manka ra, bara lilia pali kapri Dawan ba yang painika painkira takan ba wal. Yang Kupiam krauki sna Witin ba Suaki Sasakrikam bara Dawan Kam baku naiwa brima, kau man Dawan Suaki Sasakrikam bara Dawan kam baku naiwa brima, kau man Dawan brirasma kaka.**

**—Watson Goodman (1920-2002)**

## Gad LaTwanka Ba.

1

Sakuna Gâd ai latwanka tara ba wan marikisa: yawan kan upla saurakira nani kan, sakuna Kraist lika wan tawan pruan. –Rom 5:8

Insal luan liliaka yua tara ba, yauhka baku aimakaia kan. Jisas kaikan witin naha tasba na swisi, ai Aisa ra waia awarka ba aimakan kan. Witin ai uplika nani naha tasba ra kan ba sut ra ban latwan kaikan, bamna nanara ai latwanda laka kau tara pali takan ba sin mariki kan. –Jan 13:1

Latwan laka kau tara upla briaia sip ba lika, ai uplika nani dukyara ai rayaka yabaia ba. –Jan 15:13

Bara Jisas Kraist witnis kasakkira ba wina sin, witin sika pas upla pruan wina kli buan ba, bara naha tasba aiska kingka nani sut pura ra karnika bri ba. Kraist mita latwan wan kaikisa, bara ai talia lakan wan saurka nani sikbi sakan sa. –Param Marikan 1:5

“Bamna Gâd tasba ra uya latwan kaikan, bara witin mita ai Luhpia kumi baman bri kan ba yan; bara baku mika ani uplika writin ra kasak lukbia ba, sut pali tanis tiwbia apia, sakuna raya ban kaia laka ba bribia.” –Jan 3:16

Yang param takri witin ra lai wina. Yang latwan pali mai kaikri ban kaiara latwanka; baha mita ninam bli-kisna yamni man dauki kaia. –Jirimaia 31:3

## **2 Jisas Kraist Yamni Ka Aihka Ba.**

Upla kumi mita sin Gâd ra luki kaia, dahra prakan tanka tara ba sip apia wiras: Gâd ba upla baku latan takan; witin ba Spirit mita kasak kulkan kata, bara insal nani mita sin witin ba kaikan. Ai tanka ba nisan nani tilara aisi smalkan kata, upla sut mita witin ra kasak lukan, bara kasbrika purara sin witin ba bri bangwan kata. -1 Timoti 3:16

Tasba na kau paskras kan bara, Bila ba pat bara kan. Bila ba Gâd wal kan bara witin sika Gâd kan ba. Baha Bila ba, upla takan bara yang nani tilira iwan. Bamna yang nani ai prana ba kaikri, baha prana Aisa Luhpia kumi baku Gâd wina brin ba. -Jan 1:1 and 14

Naha sut na takan, Dawan mita ai dahra aisasara bak aisin ba aiska daukaia dukyara; “Tyara aingwa ba kwihra tiwbia, bamna ai luhpia waitna kum sakbia, ai nina ba Imanyuel makbia” (baha tanka lika: “Gâd yawan wal sa”). -Matyu 1:22, 23

Yang na Aisa wal kumi pali sni. -Jan 10:30

Jisas pana win: —Pilip, nahki pyua wihka yang man nani wal sna, bara kau ai kakaira apia sma ki? Ani uplika yang ai kaiki ba, Aisiki ra sin kaikisa; bamna, dia muni Aisa ba kaikaia makabisma? Pilip, man kasak lukras sma ki, yang na Aisa wal asla pali sna ba; bara Aisa sin yang wal asla pali ba? Diara nani man nani ra mai wisna ba lika, yang yakan mai wiras. Aisa yang ra iwi ba mita sika ai warkka daukisa. -Jan 14:9, 10

## **Jisas Gad Luhpia Ba.**

**3**

**Baha mita, ani uplika Jisas ba kasak Gâd Luhpia sa wisa kaka, baha uplika lika kasak Gâd ra iwisa bara Gâd pana baha uplika ra iwisa.** —1 Jan 4:15

**Pana insal ba bila: —Spirit Hulikira ba man puramra balbia, bara Gâd lai purara ba karnika kasbrika baku mamdiskbia. Baha mita, man wina tukta hulikira aisubi takaia ba lika Gâd Luhpia makan kabia.** —Luk 1:35

**Kan tukta waitna kumi wan dukyara aisubi takan, Dawan yawan ra luhpa waitna kum wankan sa, witin ra king kaia karnika yaban sa. Ai nina ba makan kabia: Aihka pranakira, lâ smasmalkra, Gâd karnakira, ban kaia Aisika, kupia kumi laka Kingka.** —Aiseya 9:6

**Kau Pita aisi kan bara, kasbrika ingni kum witin nani ra madiskan; bara kasbrika ba wina bila baikra kum aisin, naku walata: “Naha sika Luhpi laitwankira. Witin sika yang bak saki briri ba. Man nani witin ra wals.”** —Matyu 17:5

**Waitnika ba bila: —Dawan, yang mita kasak lukaia sna upkika ba ya kaka, ai wis. Jisas pana win: —Man witin [Gâd Luhpia Ba] ba pat kaikram sa; baha ba yang sika, man witinka wal nanara pali aisisma na.** —Jan 9:36, 37

**Bamna Gâd tanka aiska ba, Kraist upla takan ba mita wan marikisa.** —Kolosi 2:9

## **4 Jisas Wan Win Witin Ba Ya Sa.**

**Bamna Jisas mita win:—Man nani lika maya tani wina sma, sakuna yang lika pura tani wina sni; man nani naha tasba wina sma, kuna yang lika naha tasba wina apia ba. Jisas pana win: —Kasak pali mai wisni, Ebrahim kau aisubi takras kan ba wina, yang pat bara sni.**

**—Jan 8:23 and 58**

**Mairin ba mita pana win: —Yang kaiki sna Misaia ba balbia (baha wiaia ba, Kraist); bara witin balbia bara, diara sut tanka ba param wan wibia. Jisas mita win: —Baha ba yang sika, man wal aisi na ba. —Jan 4:25, 26**

**Bara Jisas pana win: —Yang sika raya kaia yabi britka ba. Ya yang ra aula ba kli plun daukbia apia; bara yang ra kasak luki ba, kli sin diran daukbia apia. —Jan 6:35**

**Kau naha tasba ra sna ba pyua ra, yang lika naha tasba ingnika sna. —Jan 9:5**

**Bamna Jisas kli Parisi nani ra win: “Kasak pali man nani ra mai wisni: Yang sika syîp nani dimala durka ba.” —Jan 10:7**

**Jisas pana win: —Yang sika kli buaia tanka bara raya-ka ba sin. Ya yang ra kasak luki ba, prubia kra kuna raya kabia. —Jan 11:25**

**Man nani mita yang ra Sasmalkra bara Dawan sin ai wisma, bamna baha ba kasak aisisma, kan yang lika baha sna. —Jan 13:13**

**Jisas bila: —Yang sika yabal ba, kasak tanka ba bara rayaka ba sin. Yang bak bamam sip sa Aisa ra waia. —Jan 14:6**

## **Jisas Diara Aihka Nani Kum Kum Daukan.**

**5**

**Bara adar yan uplika nani ba twi purara iwbia. Baha ningkara, brit 5 bara inska 2 ba ai mihta ra brih, kas-brika purara kaiki, Gâd ra tingki win, britka nani ba kriki, ai disaipelka nani ra yaban, bara witin nani upla nani ra yuan. Sut pin bara ai byara sin bangwan. Baha wina disaipel nani ba mita yuika nani kau taun ba wahbi, kau pataki 12 bangkan. Pî bangwan ba lika, mairin nani bara tuktan nani sin kulkras, waitna baman 5,000 kata.**

**—Matyu 14:19-21**

**Saiman pana win: —Smasmalkra, yang nani tihmia aiska wark takri, diara kumi sin alkras, ban sakuna man baku wan wisma bamna, yang tan ba lulkamna. Witin nani tan ba lulkan bara, inska ailal pali alkan, bara tan ba dakwi kan.**

**—Luk 5:5, 6**

**Baha ra yabal tnayara blain wal iwi kan; bara Jisas lui auya kan ba walan bara, naku winan: —Dawan, Debit luhpia, yang nani ra umpira ai kaikram! Bara Jisas ...walan: —Man nani dia want sma yang mai daukamna? Witin nani bila: —Dawan, yang nani kaikaia want pali sna. Bara Jisas mita witin nani ra umpira kaikan, bamna nakra nani ra kangban. Baha sin pali pyua ra blain nani ba kaikaia sip kan, bara Jisas nina blikan.**

**—Matyu 20:30 and 32b-34**

## **6 Jisas Kraist Ba Papaskra Bara Dawan Sa.**

**Kraist bak, Gâd mita diara nani kasbrika purara bara tasba ra ba sut paskan. Diara nani wan nakra ni kaiki ba, bara diara nani wan nakra ni sip kaikras ba sin; king aimaki nani ba, tasba purara karnika bri bangwi ba, tasba wihtka nani, bara spirit laka mapara karnika bri nani ba sut, Kraist bak paskan sa, bara witin dukyara sin bara sa. –Kolosi 1:16**

**Witin bak Gâd mita diara sut paskan, witin apu kira diara nari bara ba, kumi sin paskras kata. –Jan 1:3**

**Bara upla param pali aisabia, Jisas Kraist ba Dawan sa, Gâd Aisa ra kulkanka yabaia dukyara. –Pilipai 2:11**

**Gâd...bara nanara naha tnata yua nani nara lika, witin mita ai Luhpia bak wan aisin sa. Naha Luhpia na bak Gâd mita tasba nani na paskan, bara diara nani sut ba witin mihta ra swin sa. –Hibru nani 1:1a, 2**

**“Israel nisanka ba sut naha diara na dukyara pain ai dara walaia sa: Baha sin Jisaska man nani dus ra sabi ikram ba, Gâd mita witin ba Dawan bara Mesaia sin mangkan sa.” –Wark nani 2:36**

**Kan Kraist pruan bara kil sin raya takan, witin lika pruan nani bara raya nani wal Dawanka kaia. –Rom 14:9**

**Gâd lika ai pramiska nani dauki ba kat kasak sa, bara witin sika man nani ra mai paiwan ba, ai Luhpia Jisas Kraist wan Dawan ba wal aikuki asla iwaia. –1 Korint 1:9**



## **Jisas Kraist Ba Upla Sut Witka Sa. 7**

**Kuna man, dia muni muihkam laka aisi daukisma ki? Dia muni muihkam ba diara apia baku kulkisma? Yawan sut lika Kraist mawanra buaia sa, witin mita wan laka aisi daukbia dukyara. –Rom 14:10**

**Gâd mawanra bara Jisas Kraist mawanra sin, witinka king baku bal pruan nani bara raya nani laka daukaia ba, yang man ra kasak lâ maikuna. –2 Timoti 4:1**

**“Witinka Upla Luhpika waitna ba Gâd insalka sut kira king baku balbia bara, ai king iwaika ingnikira ra iwbia. Tasba aiska uplika nani ba ai mawan ra asla takbia, bara witin mita baha nani ba aihka, aihka dakbi sakbia, sepat mita syîp nani ba guts nani wina dakbi saki ba baku.” –Matyu 25:31, 32**

**Aisa mita upla kumi sin lâka aisi daukras sa. Sakuna lâ aisi daukaia karnika aiska ba, ai luhpia ra yan sa. –Jan 5:22**

**Sturi yamni smalkisa ba kat, baku sika baha yua Gâd mita Jisas Kraist bak upla nani sut tanka yukuwan ra ba kat lâ daukbia. –Rom 2:16**

**Bara yang nani ai blikan upla nani ra smalkaia, witnis sin aisaia, nahki Gâd mita naha Jisaska na raya nani bara pruan nani sut Wihtka mangkan sa. –Wark nani 10:42**

## **8 Atki Sakaia Ba Kraist Baman Sip Sa.**

Yang sika dur ba; bamna ani uplika yang ku dimbia ba, swaki sakan kabia. Bara witin ka ba lika syîp kumi klarka ra dimi si, ai pata pliki taki auya baku kabia.

—Jan 10:9

Jisas bila: —Yang sika yabal ba, kasak tanka ba bara rayaka ba sin. Yang bak baman sip sa Aisa ra waia.

—Jan 14:6

Baha mita sika mai wiri man nani saurkam nani wal ban pruma; man nani kasak luki bangwras sma “Yang sika Yang sna” ba, bamna saurkam wal ban pruma.

—Jan 8:24

Witin ka ra aiska aingwa daukan kan bara, witin ba ban kaiara swaki sakan laka karma laya takan, ai bila wali dauki nani sut dukyara.

—Hibru nani 5:9

Kan upla sut saura yan bara Gâd mawan wina sin laiura takan. Kuna Gâd ai latwanka tara ba mita, ban mana apu kira baha nani ba kasak kira kulkan sa, kan Kraist Jisas bak upla sut swaki sakan sa.

—Rom 3:23, 24

Baha mita, nanara bara ban kaiara, witin bak Gâd lamara wi nani bara witin mita swaki sakaia sip sa, kan witin ba ban kaiara raya iwisa, witin nani tawan Gâd ra makabaia dukyara.

—Hibru nani 7:25

Upla wala bak swaki wan sakan laka briaia ba apu sa, kan Gâd mita naha tasba ra nina wala kum maki wan-kras sa, swaki wan sakaia ba dukyara.

—Wark nani 4:12

Kan Gâd lika yawan pât bribia wisi bak wan sakras sa, sakuna wan Dawan Jisas Kraist bal swaki sakan laka bribia dukyara mika.

—1 Tesalonaiki 5:9

## **Atki Sakaia Ba Kraist Baman Sip sa. 9**

Sakuna Gâd pali mita man nani ba Kraist Jisas wal asla mai prakan sa, bara baku sin daukan Kraist ba wan sinska laka kabia bara; Kraist bak yawan na pâtkas wan kulkan kabia Gâd ra sunu kaia bara swak takan laka bri kaia. –1 Korint 1:30

Witin ai wîna tara ba, yawan tawan prura mihta ra mangkan, saurka sut swaki sakan, yawan na aiska pali klin wan dauki, witin ai dukya kabia wisi. Bara wark yamni nani sin kasak pali dauki kabia dukiara klin wan daukan. –Taitus 2:14

Bara liliakira Aisa ra tingki wis, kan Gâd king aimaki tasbaia ingnikira ra ai uplika nani mata diara nani ridi daukan ba tilara, man nani sut dukyam sin bahara sa bamna. Gâd mita tihmia karnika wina dakbi wan saki, ai Luhpia latwankira king aimaki ba pliska ra wan mangkan, witin ai pruanka ba mita swaki wan saki, wan saurka nani sut ban swih tikan. –Kolosi 1:12-14

Upla Luhpika waitna na balri sa, diara tiwan ba pliki swaki sakaia. –Luk 19:10

Witin nani naha lawana raya na aiwani kan: “Man lika wauhkataya ba briaia, bara sîl nani ba krikaia sin aitani sip sma. Kan man lika mai ikan kata, bara tamyani yang nani na Gâd luhpia nani wisi wan atkram, taya satka bani wina, bila sat aisi ba wina, nisan satka bani wina sin. –Param Marikan 5:9

Latwan lâka ra iwi bas, sin Kraist latwan wan kaiki, yawan tawan ai rayaka pât mihta ra mangkan ba baku. Witin ba sin syîp baku sakripais daukan kata, bara Gâd ra kia painkira kum baku angki yan. –Epesus 5:2

## **10 Kraist Talya Ni Sikbi Sakan Ba.**

Bara nana ra, Kraist pruanka ba mita Gâd mita pri mai sakan sa, bara kau pali Gâd lauanka ba wina sin Kraist bak pri mai sakan kabia. –Rom 5:9

Gâd latwan pali wan kaiki ai Luhpia ai talya laiki, pruan ba talia ra pri wan sakan sa, bara yawan saura daukan, pâtka ba swin tiwan sa. –Epesus 1:7

Kan naha sika yang tailia, naha mita sika lâ daukan ba karnika yabi ba, bara upla ailal saurka swih tikaia dukyara laiwan sa. –Matyu 26:28

Bamna Gâd ba baha rayaka bahki, almuk nani wina briram ba tila wina swaki mai sakan; bara man nani pain kaikisma, wan swaki sakan mana ba lika, diara aisau nani ba wal aibapras kan, lalah pauni bara lalah pihni baku; man nani ba Kraist talya manakira ni pri mai sakan, witin ka syîp ai taya ra watauan apu bara, taski sin apu baku kan ba. –1 Pita 1:18, 19

Sakuna yawan ingni ra takaskisa kaka, sin Gâd ingni ra ba baku, yawan lika pana, pana wan walka wal asla pali sa, bara Gâd Luhpia Jisas Kraist talya mita, wan saurka nani sut ba wina klin wan sakisa. –1 Jan 1:7

Sakuna baku sa kaka, Kraist talya ba kau karnika tara pali brisa! Ban kaia Spiritka bak, Kraist witin ai wîna tara pali ba sakripais taski apu baku dauki, Gâd ra yaban. Witin ai talya ba mita wark bahki nani ba wina wan kupia dara wal ra ba klin daukisa, yawan Gâd raya-kira dukya nani ba daukaia sip kabia dukyara.

–Hibru nani 9:14

# Suaki Sakan Laka Kraist Ra Kasak 11 Luki Ba Wal.

Bamna Gâd latwanka laka ba mita sika, man nani swaki mai sakan ba; kasak lukan laka bak. Naha tanka na lika, man nani mita dia kum daukram ba mita lika apia, sakuna baha lika Gâd mita ban prisant maikan sa. Upla kum diara daukan ba mita lika apia, bara sin aimayunaia apia ba mata. —Epesus 2:8, 9

Baku bamna, kasak lukan laka ba mita Gâd mita kasak kira wan kulkisa, bara wan Dawan Jisas Kraist ba mita yawan na Gâd wal kupia kumi laka ba brisa. —Rom 5:1

Bara yawan Kraist Jisas wal asla sa kaka, sirkumsisan bribia briras kabia sin, sut ba bahki sa. Kasak lukan laka briaia ba lika kau pain sa, bara kasak lukanka laka mita sika upla sut aikuki latwan iwaia tanka wanki ba. —Galesha 5:6

—Dawan Jisas Kraist ra kasak luks, man bara wamtla uplika nani sut. —Wark nani 16:31b

Kan Gâd luhpia nani bani ba haha tasba na pura luisa. Bara naha kasak lukanka ba mita help wan munisa naha tasba pura luaia. —1 Jan 5:4

Bara uplika nani makabi walan: —Yang nani dia daukaia sna ki, Gâd yamni kaiki warkka ba alki brih daukaia? Jisas pana aisi wisata: —Gad want sa man nani daukma, witin mita blikan uplika bara kasak lukma. —Jan 6:28, 29

Ban sakuna naha nani na lika ulban sa, man nani kasak lukma Jisas ba Misaia Gâd Luhpia sa, bara naha kasak lukanka nak raya ban kaia laka bri kama. —Jan 20:31

## **12 Gad Latwan Ka Tara Ba.**

**Wan Dawan Jisas Kraist Aisika Gâd ra mayunpi, kan witin sika Aisa kumi latwankira ba bara pyua bani wan maisananihkra Gâdka sa. –2 Korint 1:3**

**Man wal baku Dawan wala apu sa! Man uplikam kau swin ba mampara buan, saurka ba ban swih tikisma. Man kupiam baiwanka ban pali alki briras sma, sakuna lilia sma kupiam pihni laka ban mariki kaia. –Maika 7:18**

**Kan man lamtwanka laka ba kau tara sa kasbrika purara ba wal. Man lamka ba kasbrika sangni ba kat alkisa. –Lawana nani 108:4**

**Dawan latwanka ba ban kaiara bara sa, ai kupia yamnika nani ba sip dan takras. Titan bani kli raya takisa; nahki tara sa kasakkam lukanka ba. –Inanka nani 3:22, 23**

**Ai lamtwanka laka ba tara pali sa witin ra mai kulki nani ra, tasba kasbrika purara yahpika tara ba baku sa. Sakuna Dawan kupia latwanka laka ba, ban kaiara bara sa, baha nani witin ra pain kulki nani bara; ai kasakka laka ba tnata apu sa baha kyamka nani sut ra.**

**–Lawana nani 103:11, 17**

**Witin swaki wan sakan. Bara baha ba lika yawan mita diara pain nani kra daukan kan tawan lika apia, sakuna umpira wan kaikan ba mita. Sikbi wan sakan bak witin mita swaki wan sakan, bara baha tanka ba lika, yawan na kli aisubi takan, bara Spirit Hulikira mita rayaka raya wankan ba bak sin. –Taitus 3:5**

## **Gad Wan Paiwisa Witin Ra Wabia 13 Dukiara.**

**Dawan aisisa: “Man nani bal, naha laka na aisi kaikaia. Man nani saurkam ba tala pauni kabia sin, kwala pihni wahmuk baku daukamni; siksa mâka pramka ra alkan ba baku kabia sin, bîp tyalka laya baku pihni daukamna.”**  
—Aiseya 1:18

**Spirit Hulikira ba bara Syîp lupia maîa mairin ba naku wisa: “Bal!” Bara wali uplika ba wiaia sa: “Bal!” Ya din dauki ba, balaia sa; ya brin dauki ba, raya kaia laya ba mana luha dibia.**  
—Param Marikan 22:17

**Diran dauki nani sut ra wisa: “Man nani bal li nara sa dis; lalah apu nani, man nani sin bal, mana luha plauar pis; wain laya, tyalka laya sin, mana luha bris.”**  
—Aiseya 55:1

**Lilia tara yua prakaa ba lika, kau tara daukan. Baha yua ra Jisas ai mina ra bui, ai bila baikra tara ni aisi, naku win: —Ya lî din daukisa kaka, witin yang ra bal dibia.**  
—Jan 7:37

**Jisas baha kaiki baha nani ra laui daukan bara, naku win:—Swis tuktan nani ba yang ra balbia, witin nani takaskpara, kan Gâd kingka laka ba, witin nani satka uplika nani dukia sa.**  
—Mark 10:14

**Warkkam bara karbankam mita mai swapkan nani ba, sut yang ra bal, bara yang mita maikamna wingka puhbaia.**  
—Matyu 11:28

## **14 Upla Sut Ba Gad Tuktan Ka Nani Api Sa.**

**Baha mita yawan param kaikisa, Gâd luhpia nani ba ya sa, bara debil luhpia nani ba sin, kan ani uplika diara yamni daukras ba ai muihni ra sin latwan kaikras ba, witin lika Gâd luhpia apia sa.** –1 Jan 3:10

**Baha nani sut Spirit mita tapaki brihauya ba lika Gâd luhpia nani sa. Bamna Spirit man nani briram ba lika alba kaia spiritka apia sa kli sîbri kaia; sakuna Spirit kumi Gâd luhpia wan dauki ba sika briram ba. Bara naha sin Spiritka na mita sika yawan wini ba: “Yang Aisiki!”**  
–Rom 8:14, 15

**Bara baku upla kumi sin man nani ra watauanka kum kra apia kaka swakwanka kum sin sakbia apia, kuna taski apu Gâd luhpia nani kama, upla saura nani bara kmulwan nani ba tilara. Man nani ba witin nani tilara slilma baku ingwaia sma naha tasba tihmia na tilara.**  
–Pilipai 2:15

**Bamna witin bila sin: “Witin nani lilapaska ba wina dakwi taki bal taks, Dawan bila; diara taski ba kangbi bangwpara. Bara mika yang mita mai brimna, bara yang baman man nani Aisikam kamna, bara man nani ba luhpi waitna nani bara luhpi mairin nani sin kama. Dawan, karnika sut bri ba baku wisa.”** –2 Korint 6:17, 18

**Sakuna, ya nani witin ra brin; bara kasak sin lukan; nani ra, witin mita naha uplika nani ra, Gâd luhpia takaia karnika ba yan.** –Jan 1:12



## **Gad Dia Aisin Laya Tahpla Dukiara. 15**

**Karna apia sa ya nani wan wîna tara brinka warkka saura nani nina bliki ba: marit takras kira upla ai maîna briaia laka ba, taski laka daukaia, brinka saura nani lihkaia, aidul nani ra mayunaia, sukia warkka daukaia. Upla ra misbara kaikaia, tarbaiwan laka, bara nina tawan lauaia nani. Diara bahki dukyara wan kupia baikia, bara wan kupia laka baman pliki daukaia, dakwi takaia laka, bara dakni sat, sat paskaia sin. Tuman laka briaia, bla tatakra nani kaia, bila maihsi ra kaia, diara wala bahmuna satka nani manis sin daukaia laka. Pyua luan ra mai smalkatna ba baku, kli mai smalkisni, ani uplika naha sat dukya nani dauki ba, Gâd king aimaki tasbaia ai dukya bribia apia.**

**–Galesha 5:19-21**

**Kakna ra wataukaia ba baku, painkira wataukpi. Yawan bla takbiara, bin dauki plun papira kabiara, taski laka daukbia ra, lakas tara baku taukbiara, unsabaia bara misbara laka sin bribiara. Sakuna, Dawan Jisas Kraist bani war aiklabaia praka baku dims, bara wînam brinka saura nani baman pliki dauki amyapah kaia upla natka kaia lukpara.**

**–Rom 13:13, 14**

**Alai kabia baha nani titan kat ba ingwi ba bla takaia dukyara, bara wain laptika ba, tihmia kat ban sa.**

**–Aiseya 5:11**

**Wain ba witin pauni taki bara kaikpara, kap bilara ai mapla latan lakwi bara, wan karma ra lalalwi dimi auya bara sakaia. Sakuna tnatara pyuta baku wan samuya, ai napa sin pyuta baku latwan pali wan samisa.**

**–Sins Laka 23:31, 32**

## 16 Turi Kasak Aisi Wal Aitani Apisa.

Jisas bila: —“‘Dawan Gâdkam ra latwan kaikma, kupiam aiskakira, solkam aiskakira sinskam aiskakira ni sin.’ Naha sika lâ bila nani wina kau tara bara kau taura ba sin. Wala kumi baha wal talya ba lika, naku wisa: ‘Uplikam ra latwan kaiki man winam baku uplikam ra sin latwan kaiks.’”

—Matyu 22:37-39

Bara Jisas kli impakan bara, waitna kum plapi bal, ai mawan ra ai lula krika, makabi walan: —“Smasmalkra yamni, yang raya ban kaia laka ba briaia kaka, dia daukaia sna ki?” Jisas bila: —“Dia muni yang ra yamni ai wisma? Yamni ba kumi man sa, wala apu, baha ba Gâd sa. Man, Gâd laka nani ba pain kaikisma: ‘Upla ikpara, marit laka sauhkpara, implikpara, upla nina ra kunin aisapara, upla ra kunin munpara, aisikam, yaptikam wal ba pain kulks.’ Bara waitna ba bila: —“Smasmalra, yang tuktan sirpi kapri wina baha ba sut kulkisna.” Bara Jisas witin ra latwan kaiki win: —“Kau diara kumi man apu sma: was, bara diara brisma ba sut atki lalahka takbia ba umpira nani ra yas, bara mika kasbrika purara ba wina mamna brima; ningkara bal, nini bliks.” Sakuna waitna ba naha walan bara, sari takan, bara ai kupia sarikira mahka wan, witin yuyakira pali kan bamna.

—Mark 10:17-22

Yabal barta sa upla nakra ra wapni man sa; sakuna baha yabalka tnata ba lika prura.

—Sins Laka 16:25

**Man nani lukankam ra kunin munpara: upla apu sa Gâd ra lawaska kikaia. Upla mita dia mangki ba baha sika krikbia. –Galesha 6:7**

**Luhpi lupia nani, upla kumi mita sin yarka kunin mai munbiara; ya diara pain dauki ba, witin upla kasakkira sa, Kraist witin ka kasakkira ba baku. Sakuna ya saurka laka baman dauki taukisa kaka, witin lika debil wina ba mita, kan debil lika ta pali yua wina saura dadaukra sa. Bamna Gâd Luhpia balan ba lika, debil warkka ba sut apu daukaia dukyara. –1 Jan 3:7, 8a**

**Man nani kaikras sma ki, taniskira nani ba, Gâd king aimaki ba lakara ai dukya bribia apia? Baku bamna, man nani aimawahkpara! Kan ai maîa takras taski laka dauki ba, aidul nani ra ai pura suni mayuni bangwi ba, marit laka sasauhkra nani ba, waitna nani ai tahkia wal taski laka dauki nani ba, aîmplikra nani ba, gridikira nani ba, bla tatakra nani ba, upla dusa kakuhbra nani ba, upla dukya dadakbra nani ba sut sin, Gâd king aimaki ba lakara ai dukya bribia apia. –1 Korint 6:9, 10**

**Sakuna sturi yamni na walaiya baman apia, dia wi ba alki daukaia sa; kan baku daukras kaka, wînam ra kunin munisma. –Jems 1:22**

**Ani uplika, witin diara apia ba diara, tara sa lukisa kaka, witin pali ai lukanka ra kunin munisa. –Galesha 6:3**

**“Kan upla ailal yang nini maki balbia, bara naku aisabia: ‘Yang sika Misaia’; bara upla ailal ra kunin munan.” –Matyu 24:5**

## **18 Saurka Laka Ba Prura Brihbali Sa.**

Baku bara, saurka ba upla kumi taka ba mita upla sutra luan, bamna saurka ba mita prura balan, bara prura ba upla sutra alkan sa, kan upla sut saura daukan bamna. –Rom 5:12

Naha brinka saura nani wina sika saura laka takisa; bara saurka ba tara pawan bara, prura ba aula. –Jems 1:15

Wîna tara brinka ba trabil taki lukaia laka ba mita pruaia ra wan brih auya; sakuna Spirit brinka ra trabil taki lukaia ba lika, raya kaia bara auyapah laka ra wan brih auya. Bamna upla laka kat baman luki tauki nani ba lika Gâd wal waihla taki sa, kan Gâd laka ba brin daukras bara baha ra sip bauras sa. –Rom 8:6, 7

“Ya saura dauki ba baman prubia. Luhpia ba ai aisika saurka mana aibapbia apia, aisa ba sin ai luhpia saurka mana aibapaia apia. Kasakkira ba ai ksakka laka mana ba bribia; watauikira ba, ai watauika mana klala bribia.” –Isikiel 18:20

“‘Sakuna nanara lika pain sa yawan lilia tara daukaia, kan muihkam pruan kata aba kli rawan sa; witin tiwan kan ba, kli yawan sakan sa.’” –Luk 15:32

Kasakka lâka nina ra wama kaka, rayakaia laka ra wan brihwabia, sakuna saura laka nina bliki uplika lika, pruaia man plikisa. –Sins Laka 11:19

Saurka ba mita mana baku wanki ba lika prura, saku-na Gâd wina prisantka ba lika, raya ban kaia laka Kraist Jisas wan Dawan wal asla. –Rom 6:23a

Sakuna hulikira saki spiritka ba mita witin pruan ba wina kli bukan bara, pawma marikan sa karnika nani sia witinra yaban sa. —Rom 1:4

Naha aisin ba ningkara, ai bila baikra tara ni winan: —“Lasarus, baha wina bal taks!” Bamna pruan kata ba bal takan, bara ai mihta bara mina nani sut kwala ni blakan kata, bara ai mawan sin kwala ni wilkan kata. Bamna Jisas mita win: —“Man nani witin ba langks bara swis mahka wabia.” —Jan 11:43, 44

“Aisa latwan ai kaikisa, kan yang rayaki ba yaia wilin sni, adar ba kat yang kli baha ba briaia dukyara. Upla kumi sin apu sa rayaki ba yang wina sakaia, yang kupi wilikira yamna kaka lika. Baha ba yang yaia sna, kli briaia ba dukyara. Naha sika Aisa mita adar aikan ba.” —Jan 10:17, 18

Ba ningkara krikrika lamara wih ai mihta ni kangban, bara twilki kan uplika nani ba takaskan. Bamna Jisas pruan uplika ra naku win: —“Wahma, yang mai wisna: Bus!” Baha sin pyua ra, pruan kata ba bui iwan, mahka sin sturi aisin, bamna Jisas bui yaptika ra yan. —Luk 7:14, 15a

Yang sika raya sna. Au, yang pruri kata, sakuna nana ra lika ban kaiara raya sna. Prura king aimaki tasbaia kika ba brisna. —Param Marikan 1:18

Bara waihla las saura ba sauhki tikan kabia ba lika prura. —1 Korint 15:26

[Dawan ba aisiwin,] “‘Man yang tnayara Gâd wala nani bripara.

Aidul nani kumi sin dauki bripara; diara nani pura ra, bara ba lilka sin apia. Diara nani tasba ra bara ba lilka, sin apia. Diara nani kabu ra bara ba, kabu munuhntara bara ba lilka sin apia. Baha nani mawanra baupara, mayunra sin dauki yapara....

‘Dawan Gâdkam nina ba diara bahki laka daukaia dukyara brih makpara. Kan within ai nina diara bahki daukaia dukyara brih maki nani ba, klala yabras ban pâtkas swibia apia sa bamna.

‘Wingka puhbaia yua ba man nani kulki bas. Dawan ra kulkanka yabaia yua ba. Dawan ai adarka mai win ba baku. Yu matlalkahbi ba, man nani wark takma. Diara sut daukaia brisma ba baha yua nani ra dauks.

‘Man aisikam bara man yaptikam sin pain kulki bas, Dawan Gâdkam adarka mai win ba baku....

‘Man lâ luha upla ikpara.

‘Man marit lâka sauhkpara.

‘Man implikpara.

‘Man uplikam witniska kunin aisi pâtra lakpara.

‘Man uplikam mala mairin tumpara. Uplikam watla ba, man wamtla briaia brin mai daukbia, nasla ba, ai albika waitna, ai albika mairin, ai bipka waihntka, ai beriku ka, diara wala nani sut ba man dukyam briaia brin mai daukbia ra.’ ”

## **Man Gad Wina Sip Yukuma Apia. 21**

**Gâd ba upla nani mina lulkanka ba aihwaki kaiki sa, bara ai wapanka ba sut tanka brisa. Tihmia tara, kau tihmu ba apu sa bara saurakira kum ra yukukaia.**

**–Job 34:21, 22**

**Ya sip sa yang kaikisna ba wina yukwaia? Kasbrika purara tasba ani anira ra sin yang bara sna. Yang, Dawan, baha kasak aisisna.**

**–Jirimaia 23:24**

**Yang ansara wamna man spiritkam apu kabia ki? Ansara sin yang plapamni, bahara man ai kaikras kama ki? Yang kasbrika purara ba kat uli wamna sin, kais man bahara sma; yang tasba mununhta palira iwi wamna, man sin bahara sma. Tihmia ba man wina ai yukukaia waia apia tihmia ba ingni pali kaia kan kakna baku. Tihmia tara ba ingni ba sin man wal kumi sa!**

**–Lawana Nani 139:7, 8 and 12**

**Tasba banira, Dawan nakra bara sa; saura nani, yamni nani sut purara aihwaki kaikisa.**

**–Sins Laka 15:3**

**Gâd wina yukwaia dukya kumi sin apu sa. Diara paskan ba sut param sa bara witin ai nakra ra kwakan sa; witin ka ra sika yawan wan dahra nani saki aisaia ba.**

**–Hibru Nani 4:13**

**Bamna diara yukuwan ra ba param sakan kabia, diara dahra sin param aisan kabia.**

**–Luk 8:17**

## **22 Gadkas Nani Patka Bankaia Ra Ba.**

**“Upla Luhpika waitna mita insal nani blikamna bara witin nani mita Gâd king aimaki tasbaia ba wina, upla wala nani ra saura lakara bataki nani ba, bara saura dadaukra nani ba sut asla wahbia. Baha nani pauta klauhwi watla ra lulkbia, bara baha ra sika inan man kabia, ai napa nani sin arkbi kabia.”** –Matyu 13:41, 42

**Watauikira nani bara hidan nani ba, Gâd ra lukras ai auya tiki nani ba, pura laka kat witin nani apu takbia.**  
–Lawana Nani 9:17

**Sakuna nanara kasbrika pura bara tasba bara ba lika, ban swin sa pauta klauhwan ba dukyara, Gâd ai bila aisin sa, baha pata klauhwan ba ni tnata yua ra angkan kabia, bara saurakira nani sut apu daukan kabia.**  
–2 Pita 3:7

**Naha nani ba, ban kaiara sauhki tikan pâtka wal klala yan kabia; bara Dawan mawan wina, ai prana wina bara ai karnika wina sin, laiura lulkan kabia.**  
–2 Tesalonaika 1:9

**“Baha mita, mihtam apia kaka minam kra mita maikan saura lakara kauhisma kaka, klaki dakbi bara, laihwra lulks; kan kau pain sa raya kaiara mihtam apu apia kaka minam apu wih dimma, sakuna ban kaia pata klauhwanra mihtam wal bara minam wal brih mai lukka lika apia.”** –Matyu 18:8

**“Bamna naha nani na ban kaiara pât wauhwanka ra wabia, sakuna kasakkira nani ba lika raya ban kaiara wabia.”** –Matyu 25:46



“Gâd yu kumi mangkan sa, naha tasba aiska na laka wapni kat daukaia, waitna kumi witin bak sakan ba mita. Naha dukyara tanka aiska wan marikan sa, Jisas pruan wina bukan bamna.”  
–Wark Nani 17:31

Bamna Dawan kaikisa, witin ra kat luki uplika nani ba, traika kaikanka wina swaki sakisa, bara sin nusa saura dadaukra nani ba, pât munuhntara bri kaia lâ tara yua ba kat.  
–2 Pita 2:9

Kan yawan kumi bani Kraist lâ iwaika mawanra bubia sa, bahara kat upla bani ai mana dia kabia ba bri-  
aia dukyara, mana yamni mana saura, witin ai wîna ra  
raya kan pyua daukan ba kat.  
–2 Korint 5:10

Baku yawan sip sa latwan laka ba aiska pali briaia,  
bara baha mita tnata yua ra wan auyapah kabia; kan  
yawan lika naha tasba ra sa sin Jisas Kraist wal baku.  
–1 Jan 4:17

Upla bani ba aima kumi baman pruaia sa, bara baha  
ningkara Gâd mita laka daukbia.  
–Hibru Nani 9:27

Bara pruan nani ba kaikri, tara nani bara sirpi nani,  
Gâd mawanra ai mina ra bui kan. Wauhkataya nani ba  
kwakan kan, bara wauhkataya wala sin kum, baha sika  
raya kaia wauhkataya ba. Pruan nani ba dia dauki kan  
ba kat laka daukan kata.  
–Param Marikan 20:12a

Baku bamna, yawan kumi bani wan tanka ba saki Gâd  
ra param wibia.  
–Rom 14:12

Bamna Adam swakwanka ba sip apia sa, Gâd prisant wanki dukya ba wal prakaia. Upla kum swakwanka ba mita upla ailal pruan; sakuna swaki sakan laka Gâd mita mana apu wanki ba upla kumi bak, naha sika Jisas Kraist, baha ba lika kau tara pali sa bara upla ailal m-para sin help kum.

–Rom 5:15

Baku bara, upla dia brin dauki ba apia kaka daukaia trai muni ba lika apia sa, sakuna Gâd mita yamni kaikbia lika.

–Rom 9:16

“Prautkira nani ba Gâd mita batakisa, sakuna bauiki-ra nani ra lika ai yamnika ni buki help munisa.”

–1 Pita 5:5b

Man nani lika wan Dawan Jisas Kraist latwanka laka tanka ba pat kaikisma. Witin lika yuyakira pali kan, kuna man nani ra latwan mai kaikan ba mita witin umpira pali takan, bara witin umpira takan man nani yuyakira kama ba dukyara.

–2 Korint 8:9

Sakuna saurka ba kau manis takan bara, Gâd kupia yamnika ba kau tara pali takan. Naha na baku takan, saurka ba prura bri balai karnika brikan ba baku, Gâd kupia yamnika ba mita yawan na Gâd mawanra kasakkira wan kulkaia karnika bri kaia bara raya ban kaia laka ba wankaia, wan Dawan Jisas Kraist bak.

–Rom 5:20b, 21

Apastil nani lika karnika uya wal Dawan Jisas raiti wina buan ba dukyara witnis aisi kan, bara Gâd mita sin uya pali yamni munan kata.

–Wark Nani 4:33

Gâd lika patitara pyua ra upla nani diara tanka kai-kras kan ba mapara ai nakra prakan kan. Sakuna naiwa yua ra lika plis banira upla nani iwi ba sutra param wisa, ai saurka nani ba wina ai kupia lakaia sa.

—Wark Nani 17:30

“Yang mai wisni, apia; man nani sin saurkam nani wina Gâd ra kupiam lakras sma kaka, sut tanis tiwma.”

—Luk 13:3

Ai smalkanka ra aisi kan: “Man nani kupiam laks, kan Gâd king aimaki laka ba pât baila sa bamna!” —Matyu 3:2

Bara Pita baha uplika nani ra win: —Man nani daukankam saura nani ba swisi mahka Dawan ra taus, bara kumi bani sin yarka li ni tahbi mai daukan kabia Jisas Kraist nina ra; baku mika saurkam nani swih tikan kabia, bara Dawan mita Spirit Hulikira ba maikbia. “Baku bamna, man nani sut daukankam saura nani wina mahka Dawan ra taus, bara mika saurkam nani sut ba diki sakan kabia. Baku bara Dawan man nani mai rakaia pyua ba blikbia.”

—Wark Nani 2:38; 3:19

“Yang maipara saura daukram sut ba wina tnaya ra taks, kupiam ra spirit raya bris.”

—Isikiel 18:31a

Ani uplika ai saurka nani pura biki ba, ai bisniska ba sip yamni takbia apia; sakuna baha nani ai dahra sakisi mahka swi ba, saurka swih tikbia.

—Sins Laka 28:13

Bahamna sarka laka kum Gâd mita pain kaiki ba tanka kat sa kaka, baha lika kupia lakan ba tanka kum swaki sakan laka wina aula ba; bara baha mita sari kaia apia sa. Sakuna sarka laka kum naha tasba wina sa kaka, baha lia prura paskisa.

—2 Korint 7:10

“Saurakira ba, ai saurka dauki kata wina dakwi takbia sa kaka, bara lâika nani ba sut daukbia, diara wapni ba kat daukbia, bara kasakka laka ba sin, kasak pali raya kabia, prubia apia.”  
—Isikiel 18:21

“Saurakira ai yabalka ba yarka swibia, bara upla wataukira ba sin, ai kupia lukra nani ba swibia; bara man nani Dawan ra kli tau bal, witin nani umpira kaikan laka bribia; yawan wan Gâdka ra, witinka wan saurka swi tikaia laka tara bri ba.”  
—Aiseya 55:7

“Man nani saura mai munan uplika nani ra ban swih tikisma kaka, kasbrika purara ba sin man nani ra ban mai swih tikbia.”  
—Matyu 6:14

Jisas mita upla nani kasak pali lukanka ba kaiki, sikhnikira bara win: —“Luhpi, man saurkam nani ba sut swih tikan sa.”  
—Mark 2:5

“Wan saurka nani swih tikaia laka ba lika Jisas bak mai wisa. Gâd mita witin ba pura ra buki ai mihta aihki-ka tanira yan iwan. Witin ba sin Wihta Tara bara Sasakra sin mangkan, Israel nisanka ra pyua yaia, ai kupia lakaia bara ai saurka nani ban swin tikan laka briaia ba dukyara.”  
—Wark Nani 13:38b; 5:31

“Kais, yang dur ra kingbisna; ya yang bili baikra wali dur ba kwakbia kaka, ai watla ra dimi witin wal plun pimna.”  
—Param Marikan 3:20

“Bara ai nina ba nisan nani sutra aisi smalkan kabia, Jerusalem ba wina ta krikaia baha nani ra sin wiaia, ai saurka nani ba wina ai kupia lakbia, bara baku mika ai saurka nani ba sut swin tikan kabia.”  
—Luk 24:47

## **Tasba Lainka Wina Dakbi Sakan. 27**

**Kan Gâd ai kupia yamni tanka ba wan marikan sa, bara upla sut ra swaki sakan laka brih bali sa. Baha Gâd kupia yamni tanka ba wan smalkisa, saurka lake ba bara tasba brinka karna nani by yawan swibia, bara naha tasba ra wan siniski ba pain, wapni bara Gâd ra sin luki brih iwi kabia.**

**–Taitus 2:11, 12**

**Kasbrika purara diara nani bara ba luki bas, kuna tasba ra diara nani ba lika apia.**

**–Kolosi 3:2**

**Diara bahki nani tihmia uplika nani dauki ya ba wal sin praupara; sakuna kau pain sa baha diara nani ba ingni ra sal sakma.**

**–Epesus 5:11**

**Tasba na bara diara nani bara ba sut sin latwan kaikpara. Ani uplika tasba ra latwan kaiki ba, Gâd Aisa ra sip latwan kaikbia apia; kan tasba na mita wanki dukya ba kumi sin Aisa wina apia sa, tasba wina dukia nani ra. Wan wîna tara brinka saura nani ba, wan nakra diara pain kaiki bani brin dauki ba, naha tasba dukya nani ba wal aimayunaia laka ba sin, naha tasba wina baman sa.**

**–1 Jan 2:15, 16**

**Alai upla sip kasak lukras sma ba nani! Man nani kaikras sma ki, tasba ra latwan kaikaia laka ba lika, Gâd wal waihla takaia laka ba? Ya, ya tasba ra latwan kaikisa kaka, Gâd wal waihla takisa.**

**–Jems 4:4**

**“Mihtam ba siks, klin dauks! Watauika laka nani ba naikra wina saks! Man nani saura daukaia ba swis!”**

**–Aiseya 1:16**

“Man nani ra kupia raya kum mangkamna bara spirit raya kum sin mangkamni. Man nani wina sakamna kupia karna walpa baku ba, bara kupia swapni mangkamna.”

–Isikiel 36:26

Man nani pat kaikisma Jisas Kraist lika kasakkira sa; baku bamna, kaiki kaia sma, ani uplika nani kasakka laka dauki ba sika, Gâd luhpia nani sa. Yawan kaikisa ani uplika Gâd ba ai Aisika kulki ba, witin saurka tilara wataukras; kan Gâd Luhpia ba mita main kaiki ba mita, Setan mita sip lamara waras sa.

–1 Jan 2:29; 5:18

Hulikira nani sin mai daukan sa, bara Dawan Jisas Kraist nina ba mita bara wan Gâdka Spiritka ba mita sin, kasakkira nani mai kulkan sa.

–1 Korint 6:11b

“Jisas pana win: —“Kasak pali mai wisna, ya kli aisubi takras sa kaka, witin sip Gâd king aimaki ba laka kaik-bia apia.”

–Jan 3:3

Baku bara, ya Kraist wal asla takan sa kaka, witin lika upla raya kumi sa; diara almuk nani ba lui wan sa, bara nanara diara raya baman takan sa.

–2 Korint 5:17

Bamna man nani kli aisubi takram sa, aisikam upla ba wina lika apia, kuna Gâd bila raya iwi ban kaiara bara ba wina mika.

–1 Pita 1:23

Bara baha witniska ba lika Gâd mita raya ban kaia laka wankan sa, bara naha raya ban kaia laka na lika ai Luhpia ra sa.

–1 Jan 5:11

## **Saurka Ra Pruaia—Kraist Ra Rawi Buaia.**

**29**

Blasi man nani watauika laka taka saurka laka tilara pruram katma. Bamna Gâd mita, Kraist Jisas wal asla pruan wina wan buki, witin ai tnayara Jisas wal wankan iwaia.  
—Epesus 2:1 and 6

Kraist mita ai wîna tara ra wan saurka nani twilkan, dus prihni pura ra, bara baku yawan sip kabia wan saurka nani mapara pruaia bara kasakka lakara iwi kaia. Witin ai wîna ra insauhkan ba mita man nani sut mai rakan sa.  
—1 Pita 2:24

Bamna, man nani pât Kraist wal pruan wina mai bukan ba mita, diara nani kasbrika purara ba pliks, kan bahara sika Kraist ba Gâd lama pali kat iwisa. Kasbrika purara diara nani bara ba luki bas, kuna tasba ra diara nani ba lika apia. Kan man nani lika pruram, bara nanara rayakam ba Kraist wal Gâd ra yukukan sa. Man nani rayakam pali ba sika Kraist, bara ani pyua ra witin param takbia bara, man nani sin Kraist wal prana tara tilara, latan takma witin wal prana tara ba bri kama.  
—Kolosi 3:1-4

Bamna ya Kraist uplika sa kaka, uplika wîna brinka nani ba sut witin ai dusa prihni ra saban sa. Spirit mita yawan raya ba baku, dia, dia dauki ba sut Spirit mita tâ bribia.  
—Galesha 5:24, 25

Sip apia pali! Yawan lika pat saurka laka mapara pruan; bamna, nahki yawan saurka laka wal ban raya iwi kaia saki? Baku sin, man nani saurka laka mapara pruram baku damra wali bas, kuna Jisas Kraist wal asla, Gâd mapara raya bangwi bas.  
—Rom 6:2 and 11

Bamna upla ai wîna brinka dukyara dia mangbia kaka, witin ai wîna brinka ba wina prura krikbia. Sakuna Spirit brinka ba mangkisa kaka, Spirit Hulikira mita yabia raya ban kaia ba krikbia. —Galesha 6:8

“Bara baku sin, Moses upla iwras tasbaia ra, pyuta pura ra bukan kata baku, Upla Luhpika waitna ba sin pura ra bukan kabia. Bamna witin ra kasak lukbia ba sut, raya ban kaia laka ba bri kabia.” —Jan 3:14, 15

Bamna raya ban kaia laka ba lika, mai kakaira takaia, Gâd kumi baman kasakkira sma ba, bara Jisas Kraist ra sin kakaira takaia, witin ka man mita blikram ba.

—Jan 17:3

Ya Gâd Luhpia ra kasak luki ba, raya ban kaia laka ba brisa; sakuna ya Gâd Luhpia ra kasak lukaia apia wi ba, sip baha rayaka ba bribia apia, sakuna Gâd klalka saura pali ba bribia. —Jan 3:36

Saurka ba mita mana baku wanki ba lika prura, saku-na Gâd wina prisantka ba lika, raya ban kaia laka Kraist Jisas wan Dawan wal asla. —Rom 6:23

“Kasak pali mai wisna: Yang aisina bara ya aman walisa, ai blikan bara sin kasak lukisa kaka, witin raya ban kaia laka ba brisa, pât ra sin lulkan kabia apia; kuna pruan wina taki pat raya kaiara luan sa.” —Jan 5:24

Sakuna witin baku pali want kan bamna... Sakuna nanara wan Sasakra Jisas Kraist balan ba mita, naha latwanka laka na latan marikan sa. Kraist bui prura karnika ba sauhki tikan, bara sturi yamni bak, sip sauhki tikras, rayaka ba witin param marikan. —2 Timoti 1:9b, 10



## **Suaki Sakan Laka Kasak Pali Ba. 31**

**Bara baha Spiritka ba sika yawan wan spiritka wal asla taki aisisa yawan na Gâd luhpia nani sa. –Rom 8:16**

**Bara baha witniska ba lika Gâd mita raya ban kaia laka wankan sa, bara naha raya ban kaia laka na lika ai Luhpia ra sa. Ani uplika Gâd Luhpia bri ba, witin naha raya kaia laka na sin brisa; sakuna ani uplika Gâd Luhpia briras ba, naha raya kaia laka na briras sa. Naha ulbinsi man nani Gâd Luhpia ra kasak lukisma ba sut ra, bara baku mika damra wali kama man nani raya ban kaia laka ba brisma.**

**–1 Jan 5:11-13**

**“Bamna ani uplika laika nani tanka brisa bara bili kat wali daukisa kaka, witin param marikisa yang ra latwan ai kaikisa. Latwan ai kaiki uplika ra, Aisiki latwan kaikbia, bara yang sin latwan kaikamna, ban sin witin ra latan takamna.”**

**–Jan 14:21**

**Kasak laka daukanka nani ba wina kupia kumi laka takbia; kasak laka warkka nani ba wina, wingka puhbaia, wan kupia kumi laka bankaia ra briaia bal takbia.**

**–Aiseya 32:17**

**Bamna, yawan nani na ai luhpia nani sa ba tanka wan marikaia, Gâd ai Luhpia Spiritka ba wan kupia kat blikan; bara baha Spiritka Hulikira wan kupia nani ra winisa: “Yang Aisiki!”**

**–Galesha 4:6**

**Baha tanka ba lika yawan mita Gâd ra iwisa bara witin mita yawan ra iwisa, ai Spiritka wankan ba mita.**

**–1 Jan 4:13**

**Gâd laka ba bila wali daukisa kaka, baha ba lika wan marikan sa yawan witin ra kakaira sa.**

**–1 Jan 2:3**

## **32 Kraist Wal Iwi Ba Lilia Ka Yabisa.**

**“Bamna nanara man bara sma pliska ra mahka auna; sakuna kau tasba ra sna na pyua ra naha diara nani na aisisni, bara baku mika witin nani, yang lilia brisna bani aibangwan kabia.”**  
–Jan 17:13

**“Sakuna yang kli bal mai kaikamna bara, man nani kupiam lilia pali kabia, liliaka kum upla kumi mita sin mai dakbi briras kabia ba.”**  
–Jan 16:22b

**Bamna Gâd King aimaki ba laka lika piaia, diaia wal tanka apia sa, sakuna baha lika wan rayaka wapni briaia laka sa, bara kupia kumi laka bara lilia laka Spirit Hulikira bak yawan bri ya ba tanka sika.** –Rom 14:17

**“Swaki wan sakaia laya karma nani ba wina, man nani liliakira bal li saki kama.”**  
–Aiseya 12:3

**“Yang lika Kraist wal dus prihni ra pruri; baha mita yang apia sika raya sna ba, sakuna Kraist sika yang ra raya iwisa. Bamna wini tara mapara yang raya sna ba lika, Gâd Luhpia ra kasak lukisna ba mita raya sna, witinka yang ra latwan ai kaiki prura mihta ra ban aimakan ba.”**  
–Galesha 2:20

**“Baku aisina man nani yang wal lilia kama ba dukyara, bara lilia pali kama.”**  
–Jan 15:11

**Rayakaia yabalka man mairikma: Man lamamra lilia tara bara sa; man mihtam aihkikara lilia pain nani ban kaiara bara sa.**  
–Lawana Nani 16:11

**Man nani lika Jisas Kraist ba namkra pali ni kaikras, ban sakuna, latwan kaikisma; man nani witin ra kasak lukisma, namkra ni kaikras sma sakuna; bara ba mita lilia tara bara pranakira sin brisma, bara baha lilia tanka ba bilam ni sin sip aisaras.**  
–1 Pita 1:8

“Sakuna man nani Dawan ra walras, ai lâka bila nani sin wali daukras kama kaka, witin man nani mampara kabia, kingkam mapara sin.”  
–1 Samyuil 12:15

Man nani pain kaikisma, alba kum baku dawankam kum mihta ra aimakma witin bila wali daukaia bara baha dawankam ba albikam taki sma. Baku sin, man saurka laka bila wali daukma kaka, bara baha sin prura ra mai brih auya, bara baku Gâd bila wali daukma rayakam wapni brih iwaia.  
–Rom 6:16

Bara man nani pôt wauhwisma bara, wingka puhbaia maikbia, bara yang nani ra sin. Naha ba takan kabia, Dawan Jisas, kasbrika pura ba wina, pauta klauhi tilara bara ai insalka karnakira nani aikuki latan bal takbia bara. Witin balbia, Gâd ra kakaira apia nani ra, bara wan Dawan Jisas Kraist swaki wan sakan sturka yamni bila wali daukras nani ra klala yabaia. Naha nani ba, ban kaiara sauhki tikan pôtka wal klala yan kabia; bara Dawan mawan wina, ai prana wina bara ai karnika wina sin, laiura lulkan kabia.  
–2 Tesalonaika 1:7-9

“Yang naha yua man nani ra maikisna yamni ba, bara saura ba wal, man nani kaikma ani ba briaia. Yamni ba brima, Dawan Gâd bila wali ai lâka nani naiwa maikri ba kat daukma kaka. Saura mai kulkbia, gâd kum man nani kakaira apia sma ba nina ra wama kaka, Dawan Gâdkam lâka nani lulki swi.”  
–Kli Smalkan 11:26-28a

## Kraist Ra Saurkam Dahra Sakaia Ba Nit Sa.

Bara upla param pali aisabia, Jisas Kraist ba Dawan sa,  
Gâd Aisa ra kulkanka yabaia dukyara.        –Pilipai 2:11

“Upla kum kra yang daihra upla nani mawan ra latan  
aisabia kaka, yang sin Aisiki kasbrika purara ba mawan  
ra ai dahra latan aisamna. Sakuna ya ai kulkras wibia  
kaka upla mawan ra, yang sin Aisiki kasbrika purara ba  
mawan ra kulkamna apia.”                        –Matyu 10:32, 33

Bamna naha tanka bak kaikaia sip sma, Gâd Spiritka  
bri aisi uplika ba: upla bani Jisas Kraist ba kasak upla  
pali natkara naha tasba ra balan dahra param aisi ba,  
baha sika Gâd Spiritka brisa.                        –1 Jan 4:2

Baha mita, ani uplika Jisas ba kasak Gâd Luhpia sa  
wisa kaka, baha uplika lika kasak Gâd ra iwisa bara Gâd  
pana baha uplika ra iwisa.                         –1 Jan 4:15

Bara man bilam ni, Jisas ba kasak Dawan sa aisisma  
kaka, bara kupiam ra sin kasak lukisma Gâd mita Jisas  
ba pruan nani tila wina bukan, man ba swaki mai sakan  
kabia. Bamna wan kupia ni kasak lukisa Gâd mita  
kasakkira wan kulkaia, bara wan bila ni Jisas Kraist ba  
kakaira sa tanka ba param aisisa, swaki wan sakaia.

–Rom 10:9, 10

Kan ani uplika yang duki ra smalkanki nani ba baha  
dukyara ai swira lukbia kaka, Upla Luhpika waitna ba  
mita sin witin dukyara swiri lukamna, king baku Aisiki  
prana wal bara insal hulikira nani kira balamna pyua ra.

–Luk 9:26

## **Setan — Wan Waihla Saura Pali Ba. 35**

Tankira watauki bara aihwaki bas; kan waihlam debil ba ya, ya piaia wisi, layan ihbi baku pliki taukisa. Kasakkam lukan laka kat bapi, witin mapara bui bas, kan man nani kaikisma muihkam nani sut tasba aiskara sin patka nani wauhwisa. —1 Pita 5:8, 9a

Naha ningkara, Spirit ba mita Jisas ba upla iwras tasbaia ra brihwan, debil mita traika kaikbia. Bara Jisas bila: —“Setan, na wina taki was, kan Ulbankara wisa: ‘Man Dawan Gâdkam ra lulam kriki puram suni mayunma, bara witin dukya baman sin daukma.’ Bara debil ba Jisas ra mahka swin, bara insal nani bal ai dukya dauki kan.” —Matyu 4:1 and 10, 11

Bara nana ra, muihki nani, karna bas Dawan asla lakara, witin ka karnika tara pali bri ba wal. Gâd mita aiklabaia dukya nani wanki ba sut brih dims, bara baha ni sip kama bapi kaia Setan kunin ka nani ba mapara. —Epesus 6:10, 11

Kan yawan ra aiklabaia dukia ba lika naha tasba wina apia sa, sakuna Gâd wina karnika brisa, bara ba mita diara karna nani ba sip sa apu daukaia, baku dahra kwakwahkra nani ra sin. —2 Korint 10:4

Debil ba ta pali yua wina upla aîkra sa. Aima kumi sin kasakka lakara aibapi buras sa....kan within lika kunnikira pali sa bara sin kunin aisika sa. —Jan 8:44b

Dia saurka daukan ba ban swih tikma kaka...bara baku mika Setan yawan wina diara sakbia apia; kan witin ai daukanka saura ba yawan kaikisa bamna. —2 Korint 2:10b, 11

Utla uplika kum luhpia nani ba, sin wîna bara sin talya brisa; baku sin, Jisas ba upla wîna bara talya sin bri kan, bara baku lika witin sip kaia kan ai pruanka bani debil upla ikaia karnika bri kata ba, sauhki tikaia.

–Hibru Nani 2:14

Sakuna ya saurka laka baman dauki taukisa kaka, witin lika debil wina ba mita, kan debil lika ta pali yua wina saura dadaukra sa. Bamna Gâd Luhpia balan ba lika, debil warkka ba sut apu daukaia dukyara. –1 Jan 3:8

“‘Man baha uplika nani nakra nani ba ilingma, bara witin nani tihmia ra kau wapbia apia, sakuna ingni ra yarka wapbia. Bara sin Setan mihta ra ban kabia apia, sakuna Gâd nina blikbia; yang ra sin kasak lukbia, bara ai saurka nani sut ba swih tikan kabia, bara naika pyua ra ai pliska bri kabia Gâd mita hulikira sakan nani ba aikuki.’”

–Wark Nani 26:18

Bamna ya mita sip saki Kraist latwanka laka ba wina wan dakbi sakaia? Baha daukaia sip kabia ki pât wauhwan ba, bankra trabil nani ba mita, apia kaka rausauhkan laka ba mita, plun wauhwaia ba mita, kwala apu kaia ba mita, pât wan lamara ba mita, prura mita kra? Sakuna baha sut tila ra, yawan ra kau pura lalura sa, witin mita latwan wan kaikan bamna. –Rom 8:35 and 37

“Baku bamna, man nani Gâd ra baus. Setan mapara dutki bus, bara witin ba man nani wina plapbia. Man nani Gâd lamara was, bara witin man nani lamamra wabia.”

–Jems 4:7, 8a

Bamna nanara sika naha tasba na lâka aisi daukan kaia pyua ba, bara naha tasba wihtka tara aimaki ba sin latara lulkan kabia.

–Jan 12:31

**Latwan Laka, Disaipil Kaia  
Traika Kaikan Ka Ba.**

**37**

Yang na upla nani aisi ba bilara, bara insal nani bila sin aisaia sip kamna sakuna, latwan laka apu sna kaka, aisinki ba lika drum prukan kli, kli ini ba baku sa, pan taya prukan bin dauki ba baku. —1 Korint 13:1

Sakuna Spirit ai warkka dauki ba lika: latwan kaikaia, lilia kaia, kupia kaia laka, kupia alki takaski kaia, latwan laka bri kaia, kupia yamni kaia, kasakka laka briaia, bauala laka, bara wan wîna alki takaskaia laka.

—Galesha 5:22, 23a

Kli Jisas aima wala makabi walan: —Saiman, Jan luh-pia, latwan ai kaikisma ki? Pita pana win: —Au, Dawan, man kaikisma nahki yang man ra latwan sna ba. Jisas mita win: —Baku sa kaka, syîpki nani ba mani kaiks.

—Jan 21:16

“Bamna man nani latwan ai kaikisma kaka, laika bila nani ba wali dauki kama.”

—Jan 14:15

Bamna upla kum wisa: “Yang lika Gâd ra latwan kaikisni” kuna ai muihni ra misbara kaikisa kaka, witin lika kuninkira pali sa. Kan ani uplika ai muihni ra ai nakra ni kaiki kuna sip latwan kaikras ba, witin sip Gâd ra latwan kaikbia apia, witinka ra ai nakra ni kaikras ba.

—1 Jan 4:20

Man nani pana, pana walkam ra latwan kaikisma kaka, upla sut kaikbia man nani ba yang disaipelki nani sma.

—Jan 13:35

Baku bara, Gâd ra latwan kaikaia ba lika ai laka bila nani sin wali daukaia sa; bara ai laka bila nani ba mita wihra wan taibras sa.

—1 Jan 5:3

## **38 Jisas Kraist Kli Rawi Buanka Ba.**

Jisas buan ningkara, wîk yua pas pali titanka ra, Meri Magdalin ra pas latan takan; witinka wina sika spirit saura 7 kangbi sakan ba. —Mark 16:9

Witin mita Jisas ba yan wan saurka tawan pruan bara pruan wina kli buan, baku mika Gâd mita kasak kira wan kulkan kaia dukyara. —Rom 4:25

Yang nani lika dia, dia Jisas daukan ba witniska nani sika, Judia tasbaia aiskara, ban Jerusalem taunka ra sin. Baha sut ningkara, upla nani witin ba dus prihni pami ikan. Sakuna yu yuhmpa ra Gâd witin ba pruan wina kli bukan, bara sin yang nani ra latan takan. Upla sut ra lika param takras kan, sakuna yang nani ra lika. Gâd mita kan wina yang nani na bak ai sakan, witnis kaia ba dukya ra. Jisa pruan wina buan ningkara, yang nani aikuki plun piri, diara sin dih bangwri. —Wark Nani 10:39-41

Yu 8 luan ningkara, disaipel nani ba kli utla kum ra asla taki bangwan kan, bara naha pyua lika Tamas sin baha nani tilara kan. Bamna dur nani ba sut prakan kan, sakuna Jisas ban dimi disaipel nani lilapas kat buan, lakula dauki, naku win: —“Kupia kumi laka man nani wal kabia!” Ningkara Jisas mita Tamas ra win: —“Mihtam kulkaika ba nahara dingki, mihti nani na kais, bara mihtam ba sakbi tnaiya mina untika nara dingki kais. Bamna lukras ban kapara, sakuna kasal luks!” Tamas mita pana win: —“Yang Dawanki bara yang Gâdki!” —Jan 20:26-28



## **Kli Rawi Buanka Ba, Yawan Wan 39 Bila Kaikan Ka Tara Pali Ba.**

“Bara baha ba lika nanara pali, pruan nani ba Gâd luhpika waitna bila baikra walbia, bara baha nani bila wali bangwbia ba sut raya takbia. Naha dukyara man aihka lukpara, kan pyua ba aimakbia, bara pruan nani sut bila baikra wali, raiti wina buan kabia. Yamni daukan nani ba buan kabia raya kaia laka ba briaia; sakuna saura daukan nani ba lika buan kabia, pât tara ra lulkan kabia dukiara.”

–Jan 5:25b and 28, 29

Man nani kaikras sma ki, Kraist Jisas wal asla kaia wisi tahbi wan daukan ba sut lika, witin pruanka ba kat yawan sin aikuki asla tahbi wan daukan sa? Baku bamna, tahbi wan sakan ba mita, Kraist wal pruanka ra wan bikan bara yawan pruan witin wal kli buaia rayaka raya kumi brih iwi kaia dukyara. Kraist ba pruan nani tila wina Aisa karnika pranakira ba mita kli bukan ba baku. Kan yawan Kraist wal asla taki ai pruanka ba kat pruan sa kaka, yawan lika witin wal baku ai pruanka ra asla kabia.

–Rom 6:3-5

Ban sakuna, Kraist ba man nani ra raya sa kaka, wînam tara ba saurka mita pruan kabia kra, kuna spiritkam ba lika Gâd kasak kira kulkan ba mita raya kabia. Jisas Kraist pruan nani tila wina bukan Gâdka Spiritka ba man nani ra raya sa kaka, sin Kraist pruan wina bukan Gâdka Spiritka ba wînam tara pruikira nani ra raya kaia laka kli yabia, Spirit man nani ra raya iwi ba mita.

–Rom 8:10, 11

“Ai uplika nani ra swaki sakaia dukiara balan!... witin wan waihla nani wina swaki wan sakbia, bara sibrin apu kira yawan ai dukya daukbia, wan rayaka yua nani sut ra, bara witin mawanra hulikira, kasakkira tauki kabia.  
 –Luk 1:68b, 74, 75

Baku bamna, muihki laitwankira nani, naha sika pramiska nani yang nani brisna ba. Bamna wan wina bara wan spiritka sut ba taski apu klin bri kap; Gâd sibrinkira yawan na aiska hulikira takaia sa.

–2 Korint 7:1

Nana ra, muihki nani, Dawan Jisas nina ra man nani ra makabisna bara wan mani daukaia sin maiwisna; man nani nahki tauki kaia (mani nani pat daukiswa ba baku) kaikisma yang nani man nani ra mai smalkri ba baku, Gâd yamni kaiki ba daukaia. Dawan Jisas karnika mita, lâ nani mai smalki mai wiri ba, man nani pain kaikisma. Man nani wina Gâd diara want ba naha sika: witin ai dukya nani kama, bara ya marit takras kaka, ai maîa briaia apia sa. Man nani waitna nani, kumi bani maîam ba sunu lakara bri kaia sma, bara yamni sin kulki kaia, Gâd mita taski laka apu iwbia wisi wan paiwan sa, kuna taski lakara lika apia.

–1 Tesalonaiki 4:1-4, 7

Sakuna man nani dia daukisma ba sut hulikira lâka ra dauki bas, Gâd witin ka mai paiwan ba hulikira sa bamna. Kan Ulbanka ra wisa: “Man nani hulikira bas, yang na hulikira sna bamna.”

–1 Pita 1:15, 16

Baku sin, Jisas ba taun getka lata tanira prura pâtka ba wauhwan, witin ai talya ni upla nani hulikira nani daukaia dukyara. –Hibru Nani 13:12

Tasba na kau paskras kan ba pyua wina, Gâd pât Kraist ra wan praki bak saki wan brin, witin ai mawandra kaia ai uplika takaia pâtkas kaia, ai latwanka laka ba mita....bamna Gâd kupia laka kat praka ba ni dimi bangwaia sma, bara sin marikma nahki rayaka kumi kasak pali wapni bara hulikira ba. –Epesus 1:4; 4:24

Yabal tara, yabal sirpi bara kabia, bara mina makan kabia “Hulikira kaia yabalka nani.” Diara sakwani ba bahak lubia apia; sinskas nani ba, baha yabalka ra sip wapbia apia. –Aiseya 35:8

Sakuna Gâd ra wan saurka nani dahra sakbia kaka, yawan sip sa kasak luki kaia, dia kasak ba witin daukbia; wan saurka nani sut sa swi tikbia bara wan watauanka laka sut ba wina sikbi klin wan sakbia. –1 Jan 1:9

Baku diara nani sut na apu daukan kaia sa kaka, luki kais nahki hulikira bara Gâd ra luki tauki kaia sma ba! –2 Pita 3:11

Man nani upla sut wal kupia kumi laka bri kaia trai kaiki bas, bara rayakam ba sin hulikira bri kaia trai muns; kan huli laka apu kaka, upla kumi sin Dawan ba kaikbia apia. –Hibru Nani 12:14

Dawan ra ai nina mayunra prana ba yas; Dawan ra mayuns, Dawan wal aisaia watla pranakira ra. –Lawana Nani 29:2

## **42 Spirit Wal Aibanghwan Waitnika.**

“Man nani upla saura, ban sakuna luhpiam nani ra diara pain nani yaia kaikisma, kau pali Aisikam kasbrika purara ba spirit Hulikira yabia, baha nani witin ra makabia bara.”  
–Luk 11:13

Ai pura suni takaskan bara, witin nani asla taki bara kan pliska ba nikban; bamna witin nani sut Spirit Hulikira ni bangkan kan, bara sibrin apu Gâd sturka yamni ba aisin.  
–Wark Nani 4:31

Man nani ra spiritki maikamna, bara yabrika laika bila bara daukaia laka daukri ba kulkbia.  
–Isikiel 36:27

Sakuna man nani lika wîna tara brinka ba daukaia laka ra raya apia sma, kuna Spirit brinka ba daukaia mika, kan Gâd Spiritka ba man nani ra iwisa. Ani uplika Kraist Spiritka ba briras sa kaka, witin lika Kraist uplika apia sa.  
–Rom 8:9

Sakuna man nani puramra Spirit Hulikira balbia bara karnika brima.  
–Wark Nani 1:8a

Barnabas lika waitna kum pain kata, witin Spirit Hulikira ni, kasak lukan laka ni sin aibangwan kan.  
–Wark Nani 11:24a

Sakuna lalukra nani Antiok ra bangwi kan ba lilia pali kan, Spirit Hulikira ni sin aibangwan kan.  
–Wark Nani 13:52

Bamna bla apu bas, kan baha mita ban tanis tiwaia ra wan brihauya; sakuna Spirit Hulikira ni aibangwi bas.  
–Epesus 5:18

## **Pramis Painkira Kristian Nani Ra Yan. 43**

**Kupia lukra kriwan bila kaikanka sin apu takan uplika ba lamara Dawan bara sa, witin baha uplika nani ba swaki sakaia dukiara. —Lawana Nani 34:18**

**Naha diara nani sut ba yang daukri! Bara baku mahka diara nani sut ba bal takan! Yang, Dawan, kasak aisisna: “Sakuna baha uplika yang witin kat kaikisna ba bauiki-ra umpira luki ba bili ba kulki yang bili wali kulkaia.” —Aiseya 66:2**

**Jisas bila: —“Sip sna, man kasak lukisma kaka. Ya, ya kasak luki ba mapara, diara sut ba sip sa!” —Mark 9:23**

**Muihki laitwankira nani, traika kaikanka tara nani man nani puram ra aula ba dukyara aihka lukpara; baha ba diara trengsar kum mai takuya baku lika luki kapara. Sakuna, Kraist pôt wauhwanka ba wal asla kumi wauh-waia sma ba dukyara lika liliam bangwi bas, bara baku sin witin balaia prana ba kaikma bara, man nani lilia pali kama. —1 Pita 4:12, 13**

**“Witin nani nakra laya ba sut dikbia, bara prura kau apu kabia, inanka, pura mata inaia laka, latwanka sin; kan diara almuk nani ba sut lui wan sa.” —Param Marikan 21:4**

**Dawan kat luki tniwi, yamni ba sin dauki bas; tasba ra iwi ai lâka ba wal sin kasak bas. —Lawana Nani 37:3**

**“Bahamna man nani, lukankam aiska ba Gâd King aimaki ba lakara dia daukaia mai aisi bara luks, bara baha diara nani ba sin sut brima.” —Matyu 6:33**

## **44 Traika Kaikan Pramis Ka Nani Ba.**

Bara witin pali pôt wauhwan bara traika kaikan kan ba baku, nanara witin mita sip sa traika kaikan uplika nani ra ba help munaia. –Hibru Nani 2:18

Bara naika pali kupia kumi Gâdka mita man nani minam munuhnta ra Setan ba taibia. Bamna wan Dawan Jisas Kraist mita yamni mai munbia. –Rom 16:20a

Man li nani bak lui wama bara, yang sin man wal bara kamna, bara awala nani luma kaka, li dih pruma apia. Pauta klauhwan lama bak luma sin, mai angkbia apia. –Aiseya 43:2a

Man nani traika kaikanka nani brisma ba lika upla wala nani bri ba wal sin baku sa. Kan Gâd lika kasak sa, bara man nani wauhwaia sip sma ba purkara kau traika kaikanka nani maikbia apia. Sakuna, traika kaikanka bri bangwma bara, Gâd mita baha ba wina swak takaia karnika sin maikbia, bara baku sip kama baha ba twilkaia. –1 Korint 10:13

Upla yamni baman dauki ba, pôt uya wauhwisa, sakuna, Dawan mihta baha pôtka nani sut ba wina pri sakisa. –Lawana Nani 34:19

Bamna yawan kaikisa, diara sut Gâd mita mangki ba lika witin ra latwan kaiki nani ba helpka pali sa, baha nani Gâd ai kupia laka kat lukisi paiwan ba. –Rom 8:28

Bamna wan prîstka tara ba mita yawan wan swapnika nani bri ba dukyara umpira wan kaikaia sip sa, kan witin pali sin yawan baku traika kaikanka sat, sat brin, sakuna saurka lika daukras kan. –Hibru Nani 4:15

## **Pura Lalura Nani Pramiska Nani Ba. 45**

**“Bamna ani uplika nani sip muni pura lui bubia ba, naha sut ai dukya bribia; bara yang na witin nani Gâdka kamna, bara witin nani ba yang luhipi nani kabia.”**

**–Param Marikan 21:7**

**“Ani uplika nani sip muni pura lubia ba, yang baha nani ra Gâdki tempelka ra walpa bapanka baku daukamna, bara baha wina kli taki wabia apia ban kaiara. Witin nani ra Gâdki nina ba ulbamna, Gâdki taunka nina ba sin, baha ba Jerusalem raya kasbrika purara ba wina bara Gâdki wina aula ba. Witin nani ra sin nini raya ba ulbamni.”**

**–Param Marikan 3:12**

**“Ani uplika nani sip muni pura lubia ba, kwala pihni ni dingkan kabia, bara raya kaia wauhkataya wina, yang ai nina nani ba diki sakamna apia. Aisiki mawanra bara ai insalka nani mawanra sin, yang param wimna witin nani ba yang duki kulkisna.”**

**–Param Marikan 3:5**

**“Ya, ya sip muni pura lubia ba, yang king iwaikira plis kum yabamna, yang wal iwaia, sin yang mita pura lui Aisiki wal ai king iwaika ra iwisna ba baku.”**

**–Param Marikan 3:21**

**“Ya ai kyama bri kaka, Spirit mita serts nani ra wi ba pain walaia sa! Ya, ya sip muni pura lubia ba, raya kaia dusa Gâd paradaiska ra ba wina yang mita yarika pibia.”**

**–Param Marikan 2:7**

**“Ya, ya sip muni pura lubia ba, bara dia, dia yang want sna ba ban tnata kat dauki kabia ba, nisan nani purara karnika bri kaia ba yang mita yabamna.”**

**–Param Marikan 2:26**

## **46 Gad Diburs Dukia Ra Wan Aisi Sa.**

**Marit takan nani ra adar yabi wisna, maña mairin ba ai maña waitna swiaia apia sa. Naha adarka bila na yang duki lika apia sa, sakuna Dawan dukya. Sakuna maña mairin ba ai maña waitna swibia kaka, mairka ba ban marit takras kaia sa, ai maña waitna wal kli ai uplika takaia. Bara baku sin, maña waitna ba ai maña mairin ra swiaia apia sa. Marit takan mairka ba kau ai maña waitna ba raya pyua ra, witin lika pri apia sa; sakuna ai maña waitna ba prubia kaka, witin ani waitnika ra want ba wal marit takaia pri; sakuna waitna ba lalukra kaia sa.**

**–1 Korint 7:10, 11, 39**

**Naha tanka na wal sip sa prakaia: mairin kum waitna kum wal marit takan ba, witin ai maña waitna ba raya pyua baman lâ ba mita asla kaia wal prakan sa; sakuna maña waitna ba prubia kaka, mairin ba lâ ba mita ai maña waitna wal asla prakan kata ba wina pri takan sa. Bara baha mairka ai maña raya ba pyua ra waitna wala wal bribia kaka, witin lika marit laka sauhkisa; kuna maña waitna ba prubia kaka lika, witin baha laka ba wina pri sa bara sip sa waitna wala wal marit takaia, bara witin lika marit laka sauhkras kabia.**

**–Rom 7:2, 3**

**“Ya ai maña mairin ra mahka swisa ba, mairin wala wal marit takbia kaka, witin lika marit laka sauhkisa; bara ya sin maña waitna mita swisa mairka kum wal marit takbia kaka, witin sin marit laka sauhkisa.”**

**–Luk 16:18**

**“Sakuna nan ra yang mai wisna: Waitna kum ai maña swisa rug laka daukras kan sakuna, waitnika ba mairin ba marit laka sauhkisa; bara ya ya mairin swin ba bribia ba, witin sin marit laka sauhkisa.”**

**–Matyu 5:32**



## **Jisas Kraist Naha Tasbara Kli Aula. 47**

**Bamna yang wih pliskam ridi daukamna ba ningkara, kli balamna man nani mai brih waia, bara baku mika yang anira sna ba, pliska ra man nani sin bara kama.**

**–Jan 14:3**

**“Bara mika Upla Luhpia Waitna sainka ba kasbrika purara latan kaikbia, bara naha tasba uplika nani sut inbia, bara Upla Lulpika Waitna kasbrika purara karnika tara bara prana wal aula ba kaikbia bara.”**

**–Matyu 24:30**

**Ya, ya yang dukira, smalkanki, yamni ba dukyara sin, naha pyua uplika lukras bara saura nani na mawan ra ai swira lukbia kaka, upla luhpia waitna na sin, witin nani dukyara swiri lukamna, Aisiki prana ra insal hulikira nani aikuki balamna pyua ra.**

**–Mark 8:38**

**Muihki laitwankira nani, yawan lika pat Gâd luhpia nani sa; bara tnata yua ra yawan dia kabia ba tanka nanara kau param sakras sa. Sakuna Kraist kli balbia bara, yawan sut witin ka wal baku kabia ba tanka pain kaikisa, kan witin nahki ba tanka kat yawan param kaikbia. Bamna upla bani naha bila kaikanka Kraist ra bri ba, witin ai wîna ba hulikira sakisa, sin Kraist hulikira ba baku.**

**–1 Jan 3:2, 3**

**“Man nani sin ridi bas, kan lukras kaprika pyua ra Upla Luhpika waitna ba balbia.”**

**–Luk 12:40**

**Kan Upla Luhpika waitna ba ai Aisika prana ra ai insalka nani kira balbia bara, upla banira dia daukan ba mana aibapbia.**

**–Matyu 16:27**

“Kasbrika pura ba, tasba na sin lui wabia, sakuna yang bili nani ba lui wabia apia.”  
–Luk 21:33

Kan dahra aisasara nani lika, aima kumi sin upla laka kat ai kupia wina diara saki aisaras kan. Sakuna, witin nani lika upla nani kan, bara Spirit Hulikira mita, ta brikan ba mita Gâd wina diara brih aisi kata. –2 Pita 1:21

Ulbanka aiska ba Gâd winka puhbra mita sika, bara baha ba yamni sa upla ra smalkaia bara laui daukaia, swakwanka nani ba wapni daukaia, bara kasakka laka mapara upla ra smalkanka yabaia dukyara.

–2 Timoti 3:16

Man bilam ba, yang mini nani lampka kum sa, bara ingni kum sa yabalkira.  
–Lawana Nani 119:105

## Puram Suns Bara Saurka Swih Tiks.

“Baha mita, man nani naku puram suns: ‘Yawan Aisa kasbrika purara sma ba, ninam ba hulikira kulkan kabia. Man king aimakaia ba yarka balbia. Man kupiam laka tasba ra daukan kabia, kasbrika purara dauki ba baku. Naiwa wan yua pâta ba wankma. Wan saurka ban swi tiks, yang nani maipara saura daukan kan ban swih tiki-sna ba baku. Traika kaikan tilara ban wan swipara, sakuna saura ba wina dakbi wan saks.’ Man nani saura mai munan uplika nani ra ban swih tikisma kaka, kasbrika purara ba sin man nani ra ban mai swih tikbia. Sakuna upla wala nani pâtka ban swih tikras sma kaka, sin man nani saurkam nani sip swih tikbia apia.”

–Matyu 6:9-15

## **Gad Yabalka Ba Suaki Sakan Laka Sa.**

### ***Yang Suaki Sasakra kum nitsna.***

Kan upla sut saura yan bara Gâd mawan wina sin  
laiura takan. –Rom 3:23

### ***Kraist yang dukira pruan.***

Kan Kraist pali, aima kumi baman wan saurka nani  
dukyara prura patka wauhwan. Witin lika yamni kan,  
sakuna yawan saurakira nani na tawan pruan, Gâd ra  
wan brih waia dukyara. –1 Pita 3:18a

### ***Yang kupi ulakaia nitsna Saurki wina.***

Ani uplika ai saurka nani pura biki ba, ai bisniska ba  
sip yamni takbia apia; sakuna baha nani ai dahra sakisi  
mahka swi ba, saurka swih tikbia. –Sins Laka 28:13

### ***Yang Jisas briaia sna kasak lukan laka wal.***

Sakuna, ya nani witin ra brin; bara kasak sin lukan;  
nani ra, witin mita naha uplika nani ra, Gâd luhpia  
takaia karnika ba yan. –Jan 1:12

### ***Yang suaki Sakanki ba, kasak pali briri daihra walaia sna.***

Ani uplika Gâd Luhpia bri ba. –1 Jan 5:12a

“Kasak pali mai wisna: Yang aisisna bara ya aman  
walisa, ai blikan bara sin kasak lukisa kaka, witin raya  
ban kaia laka ba brisa, pôt ra sin lulkan kabia apia; kuna  
pruan wina taki pat raya kaiara luan sa.” –Jan 5:24

Published in numerous languages by World Missionary Press as God supplies funds in answer to prayer. If you would like more copies for careful distribution, write in English to:

**World Missionary Press, Inc.  
P.O. Box 120  
New Paris, IN 46553-0120 USA**

**Wahbi asla daukan:  
Watson Goodman.**

**Pri—Atkaia dukia apia**